

112 年全國語文競賽原住民族語朗讀 【大武魯凱語】 高中學生組 編號 2 號

dralrele si tukilrilri

ikai ki kiasumali ki culua ka kaladrangedranga, ku ladradrarrele
tuatamiyaiyaneana kisamulamula tuatuma, luadhana ki mialrealre pacunu
ngidrakale pathagili tuatuma, kadrua ku taisadrasadraa. ai ku tukilrilri
luadhana, cilricilri, cici, cici amiamiya senasenai, ngikamiyaiya kadrua ku
nitumatumana ki vaivai, ki vaivai.

ki ininiinunga yakai ku lakanea, kai lregelrege si ububula pasaelre,
yacengecenge ngipaipai kai labengelrai, amani ku patengatenga ka
matiakhagai ka kaladrangedranga! ku tukilrilri pangukai ki takisamula
tuatuma ki ladrarrele yakai ku takasamalia. kunumi ka talrailragili ka
ladrarrele, anu pahamuhunga kisamula tuatuma? laisadrana ku edreka ka
zikange, ngialrau nakua seasenai kai mathahihi? ai, ku ladrarrele kadrua ka
puathengete, kiasamulamula ku aunganelini kai apiisadra si iyaikai,
“ yakaimadu ki kaladrangedranga suahubu pudringai ku lakanea, padulru ku
akanea ki kalakecelra!” kadrua ku muakivala ku zikange ku ahakaiyanenai
seasenai kivaevange! ku tukilrilri sa kiyainiya ki ladrarrele, lakai
apikauhivanga. ai! asikaitakukulrungana, asikidremedremenga puadaili ku
kadrua ka muatakelaneana ka aunga laiya si davace!

kuadra matiakhagai ka kaladrangedranga ngyalribatenga, mialri
ngilribatenga ku kalamuhuhua ki biya, wakelenga ku kalakecelra, kainganai
ku singidradratha ka saseveha, tualai subelebelenge ku myaki kulucu ka
pasabu. ku hiladha ki tukilrilri maulrau ku natangimiyaneini, salraelre ku
pasabu ki daedae kadrua ku natikianenga ku akanea ku amakakidringadha.
anangialraunganaku ki ladradrarrele, kisamula suahubu ku akanea sa
kaladrangedranga laiyaianya ngitatasiwlrilri ku tukilrilri, kiasanu
tububungunga ki saubaibaisi, kadruanga ka wadulru pudrapale!

ku kiasamula tuatuma ka ladrarrele, adrava lu kela ku kalakecelra
kadrua ku taupakaiya. wahubu ku makalra ku lakanea, wadahepe ku maculu
ka dane. ku tukilrilri sakidringai ku dane ki ladrarrele, yacengecenge
kihahahagai kalringulu kuanekane! talrailragili ka ladrarrele, lapuakanaili
pakabekele, aipadalrunganaku sipacai ngualai ki silrava! kaisu amani kuadra
waseaseasenai ki kaladrangedranga ka tukilrilri? asiudududulri ikai kai
kalakecelra naiyaiya musua! niama kuanea, lumudringaisu lasenainga
pakilalalra naiya eene? icucubungu ki sulrapela pasudalru iniya ka
ladrarrele, ku tukilrilri masasilrese ku sakiahagaiini sakiaseaseneini.

112 年全國語文競賽原住民族語朗讀 【大武魯凱語】高中學生組 編號 2 號

蟋蟀和螞蟻

在炎熱的夏天，螞蟻們每天一大早便辛勤地工作。蟋蟀則嘰哩嘰哩地唱著歌，遊手好閒地過日子。

每一個地方都有吃的東西，真是快樂的夏天！蟋蟀對螞蟻的辛勤感到非常奇怪。「喂！螞蟻先生，為什麼要那麼努力？像我這樣唱唱歌不是很好嗎？」，螞蟻仍繼續工作，說：「在夏天裡積存食物，才能為冬天做準備啊！」蟋蟀想：「真笨！幹麼要想那麼久以後的事呢！」

冬天來臨，北風呼呼地吹，天空下著綿綿的雪花。蟋蟀消瘦得不成樣子，到處都是雪，找不到食物。「我若像螞蟻先生，在夏天裡貯存食物該多好啊！」，蟋蟀像是要倒下似地走在雪地上。

螞蟻積存了好多食物，並建了溫暖的家，冬天來了也不擔心。蟋蟀找到螞蟻的家，螞蟻們正快樂的吃著東西。「螞蟻先生，請給我點東西好嗎？我快要餓死了！」螞蟻們嚇了一跳，「來吧！吃點東西，等恢復健康，再唱快樂的歌給我們聽！」面對著善良親切的螞蟻們，蟋蟀忍不住留下欣喜的眼淚。